



五律
七拾壹首

服部文庫
117
2099
7

留





新歲此君亭集得沈字

纔已逢新歲相携竹樹陰
乘從水雪滑坐勞酒杯深
野國誰同調山陽只此心
清言興無盡適莫晚暉沈

春雪鸞嘯閣集得城字

紫陌年華淺餘寒雪滿城
春陰連睥睨暮色尚鮮明
詞賦飛觴競瓊瑤映座清
共登鸞閣嘯逸莫少啼鶯

過子昌林莊得山字

愛爾堪棲隱林亭晝掩關
客乘幽興至境與此心閑
野樹春纔入隣農晚自還
醉來高枕處何必問青山
春日送富君嚴遊西京賦得青青河畔草

見說王孫草春風嫩色齊
自應連驛路漸已滿河堤
流水行人遠晚天班馬嘶
長安花柳陌何似爾萋萋

五日送慧麟師歸勢南因有懷旭辨純貞
師得覃韻

此日留君住長絲繫不堪
關河雲縹緲杖錫海西南
且向廬山社非遊楚水潭
歸來逢舊侶乘理兩爲三

夏日松蓮社集得微韻

松陰堪結夏社會此相依
不覺塵寰接且憐炎暑稀
清樽人自遠淨室客忘歸
坐久涼風起鳴蟬送落暉

賦得衣露淨琴張五首

并序

袁中郎集有楓林纖月落五言律四首其末歷論古人詩以畫爲喻焉云畫有工似有工意工似者親而近俗工意者遠而近雅作詩亦然余此詩從似而入意者也蓋中郎得意者已矣偶同諸子擬其以杜詩爲題賦衣露淨琴張琴詩古人猶病諸余非解宮商者其聲音節奏以字寫之吾豈敢然就此五字求其幽韻彷彿如自得之境聊裁數篇以遣閑興亦惟柴桑絃之意耳至其體格亦各有尚焉同床各夢不相干云爾

奏

遣

綺
幽事殊蕭散蓬蒿露不乾一丘松籟起半夜葛巾寒
明月幸相訪素琴聊自彈清商聲最苦何物淚闌干
撫弄陶潛趣且憐絃上聲別離孤鶴怨幽獨古情
坐覺衣裳冷應緣夜露清彈來誰得和切々草蟲鳴
中庭塵不到白露淨幽襟石上烏皮几松間綠綺琴
山空通暗響水激促哀音此調偏高古鐘期何處尋
興來眠不得風露夜淒々杯酒誰能賞絲桐我且携
響諧蘇嶺嘯悲入雍門啼曲罷徘徊久空林落月低
夜坐宜初服幽情試拂絃露華繁薜荔河影敞秋天
彷彿鬼窺室從容魚出淵寥々廣陵散十載有誰傳

隴頭水

遠戍腸堪斷，淒涼關塞秋。秦川家萬里，隴阪水分流。
巖石鳴爭下，東西不可留。日添征客淚，悲咽幾時休。

歲晚金川驛，送米大夫歸西肥。

稍覺東都遠，旅亭臨海磯。前途風雪暗，古驛曉烟微。
四牡行難駐，三冬此送歸。九州千萬里，何日到西肥。

冬郊晚歸

寒郊人跡少，曳杖對斜曛。草盡霜偏重，林疎路自分。
牛羊相逐下，村巷且為群。咫尺吾廬近，行吟過暮雲。

早春臨江亭集分韻一東

值

地靜滄流繞，庭幽淑氣通。紅塵何可至，相值此亭中。
舊識春無恙，新年酒不空。臨江終日興，非是羨漁翁。

必大書堂集次主人席上韻

樽前求侶興，恰好及芳辰。愛此風流會，都非禮數人。
圖書俱作癖，客主不知貧。似解憐同調，啼鶯弄上春。

太醫令橘公菁莪園春集得侵韻

菁莪春可賦，非但杏成林。世美傳朝野，家聲自古今。
芳樽同此樂，華館倚繁陰。相見醜顏喜，應知我輩心。

同賦採藥逢三島壽知公明太公六十

之子有仙骨，揚帆何處遊。劉郎非可羨，秦使謾相求。

江海雲霞簇蓬壺指掌浮即逢神草滿採去好迴舟

夏晚竹飲

此處宜酣飲幽亭竹樹中陰堪遮晚日嘯足起涼風
翠色侵杯落炎氛掃坐空誓劉千古意應與我曹同

送菅大夫携家歸濃之巖邑巖邑一名霧城

千里携家去明朝故國人主恩應有意官跡好乘春
任豈難當路才非滯要津巖邑雲霧裡行見豹文新

賦得壁畫猿鶴

愛此鐘山趣不離鳥几傍九臯看接座三峽忽連梁
飲啄臨流住攀緣抱樹長哀啼與清喚還怪滿幽堂

鳥

城

擬唐人望月有懷

尋常天上月秋至坐生悲夜敞清砧徹庭空白露垂
影臨牀自轉光與水相疑直置關山引寧無歎別離
尋隱者不遇

欲尋巢許問巖徑遠相攀採藥知何處懸蘿自掩關
空林棲鳥定落日岫雲閑倚杖徘徊久仙翁晚未還

家君新營西莊酬菅道伯見贈

纔成三徑趣寧擬二疎賢雜菜荒秋圃孤村冷午烟
世榮心自遠儒素業難傳故舊如相訪休嫌乏酒錢

十日松國鸞客舍集得玄韻

猶餘佳節賞客館此招遊美酒盈觴興黃花昨日秋
清言還我輩醉態也風流賦新知樂樽前傾蓋留

酬友人湖中聞雁見懷之作

洞庭秋水冷八月雁南翔不有家書至轉思兄弟行
孤舟人撫枕獨夜髮生霜空寄離群恨各天同斷腸

同賦歸雁入胡天得冬韻

共已辭南國寧忘歷九冬遙空飛不倦絕塞杳相從
縱度關山遠非侵冰雪重呼群聲斷續影盡朔雲峰

春雨中伯有宅花飲得

春光逢此日青眼好相同花滿戶庭外鳥啼烟雨中

辭

芳園堪共醉綠酒豈應空暮色蕭々靜幽吟興不窮

和野伯修將歸西肥見別之作
伯修詩中君唱陽關曲我操別鶴聲

相送望風烟歸程落日懸關山將海路鞍馬且舟船
此意憑雙鯉知音奈各天無端別鶴操薄暮入朱絃

夏暘

首夏暘侯澗月亭集同字士侯大川師

賦得陽韻

永日清和節侯園已歇芳不唯陪謝傅兼喜接支郎
咫尺紅塵陌風流綠酒觴猶存丘壑想澗月近懸梁

田間夏興

野色連新樹鳴鳩隔翠微四隣農事促一徑市塵稀

聲

隴麥秋將至村園筍已肥幽閑從日永高臥夢依依

山中閨怨

十年裘褐隱夫婿已酬心只為耽山水難留伴向禽
石牀空曉夢蘿幄冷秋砧聞入天台去恐迷仙路深
奉和金井儼秋後登山縣城樓之作

莫 候

明時邊警斷臨眺自忘憂木落千巖出天空四塞浮
山城催短景雨雪入殘秋莫是荊州牧獨登王粲樓

題雪竹圖為拾遺橫瀨公北堂六十壽詞

六出成花處淇園春滿枝干雲擎皓挺幹此猗
節操清堪競平安喜可知兒孫各自長羅列好稱慈

山莊春雪

草堂猶塞向春至雪霏々淑氣沈窮谷寒雲暗翠微
羊羣何處好柳絮繞林飛早晚前山頂行吟入採薇

西莊宴別公明賦得恨別鳥驚心

別酒相携處黃鸝近席過他時嬌自好此日聽如何
鼓吹腸將斷嚶鳴恨更多餘音逐君去能繞幾山河

陪諸貴人少林精舍避暑得風字

豈羨遊河朔還容醉剡東不唯炎毒斷轉覺世緣空
晚樹懸蟬響涼臺即佛宮喜陪王謝座竟日對清風

秋雨中登湖臺探韻得十二文

緣

鑑

坐有江湖趣，登臨望自分。芰荷深晚氣，杯酒對秋雲。
水近人將鑿，池平雨作紋。那知陪紱冕，乘醉此論文。

山莊感舊

下築都依舊，蕭條絕送迎。竹籬空駐色，苔徑亦關情。
豈有山河異，轉憐霜清。西風無靜樹，落日自秋聲。

十日雨夜集凌霄閣分韻庚字

萃燈明雨夜，画閣蓋簪纓。泛菊樽無恙，凌霄不待晴。
歡將期十日，宴已到三更。足繼登高興，唯慚賦未成。

冬初過舊山師房話舊

丈室霜林裡，殘秋色可憐。浮雲嗟往事，短髮感流年。

耆

逝者河山邈，吾生夢幼懸。相看共交臂，話久入推遷。

花下調馬

駿馬成羣競，芳菲弄色誇。四蹄翻練影，連樹藹年華。
蹀躞疑衝雪，盤旋欲拂霞。長風千里態，落盡幾枝花。

好雨知時節

恰好如絲雨，園庭擁晦陰。風斜花際灑，烟濕柳邊深。
似解添佳色，寧無愜賞心。芳時此相及，終日助幽吟。

春盡對酒示友人

荏苒春如夢，空亭倚寂寥。綠陰侵戶牖，青眼此招邀。
已值年芳歇，任他風色驕。唯將一樽酒，相見慰無聊。

晚

夏夜月下小酌

興來聊把臂，杯酒倚庭隅。露冷疑秋至，天清對月孤。
山陽辭俗士，河朔亦吾徒。坐上賓非滿，猶能倒玉壺。

妹阿原之姑九十壽辰家園適生兩岐竹

爾上高堂壽，階庭瑞柰何。忽將千畝種，還入兩岐歌。
潤養根偏固，繁陰色自和。兒孫知幾箇，堪比歲年多。

聞某道士出山有此寄

歸期應有日，聊謝故山花。流水仙源隔，江湖客跡賒。
人間行賣藥，洞裡罷餐霞。借問迎君處，同時到幾家。

首春智隨師歸湖中賦別

嶽霞

江湖元自渺雲水，有誰從容舍多僧。舍南宗復北宗，
新春芳草色舊嶽彩霞封。鼓瑟知何處，湘天隔數峰。

山中春日

一壑風塵遠，草堂容膝安。鹿鳴花樹下，樵唱暮雲端。
絕境春無盡，連屏翠自寒。興來纔試步，蘿徑欲攀難。

銅雀伎

尚倚殘粧坐，紅顏竟奈何。哀音絲竹有，悵望暮雲多。
舞袖徒餘態，繁華自逝波。英魂不復返，返照滿漳河。

自嘲

秦 孔壁成何業，春坑幸異時。雄飛吾豈敢，鳥跡獨相窺。

口言稱三代，栖纔足一枝。世間榮達者，應笑魯男兒。

數點凌空度，光含暗水干。高低終不定，聚散本無端。
露樹懸星彩，秋叢避曉寒。恐遭紈扇撲，莫近漢宮欄。

寄題浪華木村生簾葭亭

豈羨雄都壯，孤亭綠水干。洲叢深隱几，露葉拂垂竿。
鷗鷺為隣靜，秋風傳響寒。翹遊從不得，誰倚玉人看。

哭忍海上人 先君營白黃野上人壁畫猿鶴

忽逢獅吼罷，雙樹入悲秋。逝水津梁寂，舊林風露愁。
画图君不見，猿鶴汝空留。每對西莊壁，難禁涕泗流。

題墨江圖

十年名勝地，恍對墨江濤。蜃氣連烟水，龍祠自古今。
彩虹懸海岸，華表隱松林。咫尺畿南望，歸歟促客心。

寄題藝人淺子敦望瀛閣

一望通鼉首，孤高倚廣陵。風濤不可極，島嶼迥相仍。
長與神山對，非關蜃氣凝。遠遊誰作賦，千里意飛騰。

感懷寄烏石山人

山人幸無恙，其奈索居何。日月浮雲逝，交遊宿草多。
青年徒夢寐，白首竟蹉跎。舊隱蓬蒿在，應思赤水阿。

冬郊

野水冰纜至蕭條籬落北徑霜履作痕堤樹不留色
風厲鳥斜靡歲寒農且息鐘聲何處寺短景已昏黑

賦得春多仙興奉贈守山侯六壽辰

醺

樓臺懸氣色十二倚氤氲玉樹花偏別紫霞杯自醺
洞天深日月駘蕩靜晴雲此興春無盡仙遊好作群

賦得高浪駕蓬萊

縹緲連空起延年即此鄉浪擊山幾仞雲駐海中穴
忽見金銀色總為宮闕光神仙真可羨東望坐蹇裳

醉客

蹇

醉客天生汝優遊且歲時興來情偃蹇狂去語參差

寵辱何為者乾坤也有涯自耳違禮俗誓阮是吾師

芳樹

芳樹年々好花開復媚久紅顏真易老白首坐憐春
奈此樽前色看為陌上塵故園風雨恨明日綠陰新

暮春送勝恒順歸南部

北部知何處故園毛狄南遙空連絕塞去雁逐歸驂
望眼關河隔離情各自含春光看欲盡歧路柳毵々

少林院感舊二首并序

山有先人之兆先人即北浚公作傷曰清風朗
故人空寒暑四易浚公亦逝矣今也畢者寧

老矣契相近已矣矣哉追憶往日周旋靡瞻不傷
懷德仰如夢泣題院壁云

一丘支許寂餘跡不勝悲石火終經眼風流已往時
山河秋邈矣草露晚淒其幻境終何悟空攀柏樹枝
亦驚生死大其奈歲時遷面壁知誰是不遺一者禪
老
衣林深宿莽雙樹鎖寒烟神理元無盡上方昏月圓

高樓夜彈箏

秦箏傳響處遙夜月成輪美酒高樓宴紅粧滿坐春
但憐繁手急誰解旅愁新別有思歸客無端淚濕巾

漁樵

漁樵投跡處丘壑復江湖日月垂綸靜乾坤伐木孤
營生縱異道避世好為徒借問滔滔者誰能與汝俱
歲暮對雪有懷

雨雪園林暗紛々白髮前草堂催短景萍跡奈衰年
柳絮唯相似飄零獨自憐索居朋好在難上剡溪船
春郊

一路通何處春風且杖藜田家煙樹外牧笛野橋西
送色花遙發無名草復萋行々堪拾翠十里夕陽低

遊俠行

涼亭吾窟是一諾好游揚壚上酒人興陌頭裘馬光

市 千金寧愛市六博足專市場意氣誰堪在比在笑他權富即

李夏少林院集時鈴士訥將歸江

嘉會此相期禪房結夏時清風涼颯爽香樹影參差

上 坐有將歸客壁題留別詩鯖江吾士美寧戀五侯奇

